




বঙ্গবন্ধুর দর্শন
সমবায়ের উন্নয়ন


জাতীয় সমবায় পুরস্কার ২০২১

বঙ্গবন্ধু আন্তর্জাতিক সম্মেলন কেন্দ্র, ঢাকা
০৫ নভেম্বর ২০২২ শনিবার



সমবায় অধিদপ্তর
পল্লী উন্নয়ন ও সমবায় বিভাগ
স্থানীয় সরকার, পল্লী উন্নয়ন ও সমবায় মন্ত্রণালয়





জাতির পিতা বঙ্গবন্ধু শেখ মুজিবুর রহমান



মাননীয় প্রধানমন্ত্রী শেখ হাসিনা

মাননীয় প্রধানমন্ত্রী কর্তৃক 'সমবায়ের সাফল্যগাথা' শীর্ষক প্রকাশনার মোড়ক উন্মোচন





মুখবন্ধ

মোঃ মশিউর রহমান এনডিসি
সচিব

পল্লী উন্নয়ন ও সমবায় বিভাগ
স্থানীয় সরকার, পল্লী উন্নয়ন ও সমবায় মন্ত্রণালয়

'সমবায়' আর্থ-সামাজিক উন্নয়নের একটি পরীক্ষিত পদ্ধতি। বাংলাদেশের গণমানুষের অর্থনৈতিক মুক্তির লক্ষ্যে জাতির পিতা বঙ্গবন্ধু শেখ মুজিবুর রহমানের অন্যতম উন্নয়ন দর্শন ছিল সমবায়। সমবায়ের গুরুত্ব বিবেচনা করে বাংলাদেশের সংবিধানে সমবায়কে মালিকানার দ্বিতীয় খাত হিসেবে নির্ধারণ করা হয়। বর্তমান বৈশ্বিক প্রেক্ষাপটে সমবায়ের গুরুত্ব অনিবার্য হয়ে উঠছে। বিশ্বব্যাপী যুদ্ধ বিগ্রহ, পরিবেশগত অবক্ষয়, জলবায়ু পরিবর্তনজনিত সমস্যা, কোভিড পরিস্থিতি, দারিদ্র্য প্রভৃতি সমস্যায় সামষ্টিক উন্নয়নের জন্য সমন্বিত পদক্ষেপ প্রয়োজন। আর সমন্বিত পদক্ষেপ বা প্রচেষ্টার অন্যতম উপায় হতে পারে সমবায়।

বাংলাদেশে সমবায় সেক্টরে প্রশংসনীয় অবদানের স্বীকৃতিস্বরূপ সরকার প্রতিবছর জাতীয় সমবায় পুরস্কার প্রদান করে থাকে। এই ধারাবাহিকতায় জাতীয় সমবায় পুরস্কার ২০২১ প্রদান করা হচ্ছে। জাতীয় সমবায় পুরস্কার হিসেবে ১৮ ক্যারেট মানের ১০ গ্রাম ওজনের একটি স্বর্ণপদক ও একটি সম্মাননাপত্র প্রদান করা হবে।

ভালো কাজের স্বীকৃতি ও পুরস্কারপ্রাপ্তিতে মানুষ যেমন অনুপ্রাণিত হয় তেমনি তার দায়িত্বও বেড়ে যায়। প্রতিবারের ন্যায় এবছরেও ১০টি শ্রেণিতে দেশের সেরা সমবায় সমিতি ও সমবায়ীকে পুরস্কার প্রদান করা হচ্ছে। এবছর ০৯টি সমবায় সমিতি ও ০১ জন সমবায়ী পুরস্কারের জন্য মনোনীত হয়েছেন। পুরস্কারের জন্য মনোনীত সকলকে আমার আন্তরিক শুভেচ্ছা ও অভিনন্দন। এ স্বীকৃতির মাধ্যমে সমবায় সমিতি ও সমবায়ীবৃন্দ দেশের অর্থনীতিকে গতিশীল করে একটি উন্নত ও সমৃদ্ধ বাংলাদেশ গঠনে কার্যকর ভূমিকা রাখতে সক্ষম হবে বলে আমার দৃঢ় বিশ্বাস।

মোঃ মশিউর রহমান এনডিসি

সূচিপত্র

জাতীয় সমবায় পুরস্কার ২০২১ প্রাপ্ত সমবায় সমিতি ও সমবায়ীর তালিকা

কুলিয়া পূর্বপাড়া সমবায় সেচ ও কৃষি খামার সমিতি লিঃ	০৯
মিঃ পংকজ গিলবার্ট কস্তা	১০
বোয়াইলমারী প্রাথমিক দুগ্ধ উৎপাদনকারী সমবায় সমিতি লিঃ	১১
আগারগাঁও মহিলা সমবায় সমিতি লিঃ	১২
ঢাকা খ্রীষ্টিয়ান বহুমুখী সমবায় সমিতি লিঃ	১৩
বাংলাদেশ এক্সপোর্টেবল ফিশ সাপ্লাইয়ার্স কো-অপারেটিভ সোসাইটি লিঃ	১৪
শার্শা থানা মুক্তিযোদ্ধা মৎস্যজীবী সমবায় সমিতি লিঃ	১৫
মধ্যমকুড়া সুতানালা দিঘীরপাড় মজাপুকুর ভূমিহীন সমবায় সমিতি লিঃ	১৬
বরিশাল আর্যলক্ষ্মী সমবায় সমিতি লিঃ	১৭
পদ্মা অয়েল কোম্পানী লিঃ এমপ্লয়ীজ আরবান কো-অপারেটিভ সোসাইটি লিঃ	১৮

জাতীয় সমবায় পুরস্কার ২০২১ প্রাপ্ত সমবায় সমিতি ও সমবায়ীর সংক্ষিপ্ত পরিচিতি

ক্রঃ নং	শ্রেণিভিত্তিক সমবায়	সমবায় সমিতি/সমবায়ীর নাম ও ঠিকানা
১.	কৃষিভিত্তিক/সার্বিক গ্রাম উন্নয়ন সমবায়	কুলিয়া পূর্বপাড়া সমবায় সেচ ও কৃষি খামার সমিতি লিঃ গ্রাম: কুলিয়া (পূর্ব কুলিয়া), ডাকঘর: গুরুগ্রাম, উপজেলা: দেবহাটা, জেলা: সাতক্ষীরা।
২.	সঞ্চয় ও ঋণদান/ক্রেডিট সমবায়	মিঃ পংকজ গিলবার্ট কস্তা দি খ্রীষ্টান কো-অপারেটিভ ক্রেডিট ইউনিয়ন লিঃ ১৭৩/৪, পূর্ব তেজতুরী বাজার, তেজগাঁও, ঢাকা-১২১৫।
৩.	দুগ্ধ সমবায়	বোয়াইলমারী প্রাথমিক দুগ্ধ উৎপাদনকারী সমবায় সমিতি লিঃ গ্রাম: বোয়াইলমারী, পোস্ট: সাঁথিয়া, উপজেলা: সাঁথিয়া, জেলা: পাবনা।
৪.	মহিলা সমবায়	আগারগাঁও মহিলা সমবায় সমিতি লিঃ ৭৫/১/১, পশ্চিম আগারগাঁও, শেরেবাংলা নগর, ঢাকা-১২০৭।
৫.	বহুমুখী সমবায়	ঢাকা খ্রীষ্টিয়ান বহুমুখী সমবায় সমিতি লিঃ ৩৭০ দিলু রোড, বড় মগবাজার, ঢাকা-১০০০।
৬.	মৎস্য সমবায়	বাংলাদেশ এক্সপোর্টেবল ফিশ সাপ্লাইয়ার্স কো-অপারেটিভ সোসাইটি লিঃ ৩৮, বিটিআরসি মার্কেট, স্টেশন রোড, কোতোয়ালী, জেলা: চট্টগ্রাম।
৭.	মুক্তিযোদ্ধা সমবায়	শার্শা থানা মুক্তিযোদ্ধা মৎস্যজীবী সমবায় সমিতি লিঃ গ্রাম: লক্ষণপুর, ডাকঘর: লক্ষণপুর, উপজেলা: শার্শা, জেলা: যশোর।
৮.	বিত্তহীন, ভূমিহীন সমবায়	মধ্যমকুড়া সুতানাল দিঘীরপাড় মজাপুকুর ভূমিহীন সমবায় সমিতি লিঃ গ্রাম: মধ্যমকুড়া, ডাকঘর: নালিতাবাড়ী, উপজেলা: নালিতাবাড়ী, জেলা: শেরপুর।
৯.	যুব, বিশেষ শ্রেণি, তাঁতীসহ অন্যান্য পেশাভিত্তিক সমবায়	বরিশাল আর্থলক্ষ্মী সমবায় সমিতি লিঃ ৯৯, বীরশ্রেষ্ঠ ক্যাপ্টেন মহিউদ্দিন জাহাঙ্গীর সড়ক (সদর রোড), বরিশাল।
১০.	কর্মকর্তা/কর্মচারী, পরিবহণ শ্রমিক কর্মচারী সমবায়	পদ্মা অয়েল কোম্পানী লিঃ এমপ্লয়ীজ আরবান কো-অপারেটিভ সোসাইটি লিঃ পদ্মা ভবন, স্ট্যান্ড রোড, সদরঘাট, ডবলমুরিং, জেলা: চট্টগ্রাম।

ଜାତୀୟ ସମବାୟ ପୁରସ୍କାର ୨୦୨୧

ଜାତୀୟ ସମବାୟ ପୁରସ୍କାର ୨୦୨୧ ପ୍ରାପ୍ତ
ସମବାୟ ସମିତି ଓ ସମବାୟୀର ବର୍ଣ୍ଣନା


শ্রেণি-১ : কৃষিভিত্তিক/সার্বিক গ্রাম উন্নয়ন সমবায়

কুলিয়া পূর্বপাড়া সমবায় সেচ ও কৃষি খামার সমিতি লিঃ

উপজেলা: দেবহাটা

জেলা: সাতক্ষীরা

সাতক্ষীরা জেলার দেবহাটা উপজেলার একটি দূরবর্তী গ্রাম কুলিয়া। মহাজনদের দৌরাাত্র্য থেকে বাঁচতে ৮০র দশকে এখানকার কৃষকেরা সমবায়ের হাত ধরে পথ চলতে শুরু করেন। মাত্র ২২ জন সদস্য নিয়ে যাত্রা শুরু করলেও আজ কুলিয়া পূর্বপাড়া সমবায় সেচ ও কৃষি খামার সমিতি লিঃ এর সদস্য ১০৪৭ জন। বর্তমানে সমিতির আর্থিক অবস্থা বেশ স্বচ্ছল। সমিতির রয়েছে নিজস্ব দ্বিতল ভবন। নিজস্ব পুকুরে মাছ চাষ, পোল্ট্রি খামার, হ্যাচারিসহ বিভিন্ন খাতে সদস্যদের মধ্যে ঋণ কার্যক্রম চলমান আছে। এ পর্যন্ত ২৯৫টি পরিবারকে হাঁস-মুরগি পালন, ৩৪৫ জনকে মৎস্যচাষ, ১৫০টি পরিবারকে গবাদিপশু পালন, ৭৫ জনকে সেলাই মেশিন এবং ৮৯ জনকে ঋণ প্রদানের মাধ্যমে স্বাবলম্বী হতে সহায়তা করেছে। সমিতির সার্বিক কার্যক্রম বিবেচনায় এ বছর কৃষিভিত্তিক/সার্বিক গ্রাম উন্নয়ন সমবায় শ্রেণিতে 'কুলিয়া পূর্বপাড়া সমবায় সেচ ও কৃষি খামার সমিতি লিঃ' কে জাতীয় সমবায় পুরস্কার ২০২১ প্রদান করা হল।



শ্রেণি-২ : সঞ্চয় ও ঋণদান/ক্রেডিট সমবায়

দি খ্রীষ্টান কো-অপারেটিভ ক্রেডিট ইউনিয়ন লিঃ

মিঃ পংকজ গিলবার্ট কস্তা

থানা: তেজগাঁও

জেলা: ঢাকা

মিঃ পংকজ গিলবার্ট কস্তা দি খ্রীষ্টান কো-অপারেটিভ ক্রেডিট ইউনিয়ন লিঃ এর ব্যবস্থাপনা কমিটির সভাপতি। ১৯৫৫ সালে প্রতিষ্ঠিত সমিতিতে তিনি ২০১৪ থেকে ২০১৭ সাল পর্যন্ত বোর্ড অব ডিরেক্টর এবং ২০১৭ থেকে ২০১৯ সাল পর্যন্ত সেক্রেটারির দায়িত্ব পালন করেছেন। ১৩-১২-২০১৯ তারিখ থেকে তিনি সভাপতির দায়িত্ব পালন করছেন। তার সূচিন্তিত এবং যুগোপযোগী পরিকল্পনা, দূরদর্শিতা, বিচক্ষণতা ও দিক নির্দেশনায় বর্তমানে সমিতির মোট সম্পদের পরিমাণ ১,০১৭ কোটি টাকা। ডিসি চাইল্ডকেয়ার এন্ড এডুকেশন সেন্টার, ফাদার চার্লস জে ইয়াং ফাউন্ডেশন, ডিসি রিসোর্ট এন্ড ট্রেনিং সেন্টার, বান্দুরা গেস্ট হাউজ, নন্দায় বিউটি পার্লার এন্ড ট্রেনিং সেন্টার, সিকিউরিটি সার্ভিস, সমবায় বাজার, এটিএম ও মোবাইল ফাইন্যান্সিয়াল সার্ভিসসহ ডিভাইন মার্সি জেনারেল হাসপাতাল প্রতিষ্ঠার কাজ তার আমলেই শুরু হয়েছে। সৃষ্টি হয়েছে বি সেভার্স, স্মার্ট সেভার্স, মিলিওনিয়ার, পেনশন বেনিফিট স্কীমসহ নানা ধরনের সদস্যবান্ধব সঞ্চয়ী প্রকল্প। নারীদের ক্ষমতায়ন ও নারীদের ক্রেডিট ইউনিয়নমুখী করার ক্ষেত্রে তার বিশেষ অবদান রয়েছে। সমিতির কর্ম এলাকায় বিভিন্ন প্রকল্প গ্রহণ ও বাস্তবায়নে তার উল্লেখযোগ্য অবদান এর জন্য মিঃ পংকজ গিলবার্ট কস্তা কে এ বছর সঞ্চয় ও ঋণদান/ক্রেডিট সমবায় শ্রেণিতে জাতীয় সমবায় পুরস্কার ২০২১ প্রদান করা হল।





শ্রেণি-৩ : দুগ্ধ সমবায়

বোয়াইলমারী প্রাথমিক দুগ্ধ উৎপাদনকারী সমবায় সমিতি লিঃ

উপজেলা: সাঁথিয়া

জেলা: পাবনা

১৯৯৪ সালে পাবনা জেলার সাঁথিয়া উপজেলায় বোয়াইলমারী প্রাথমিক দুগ্ধ উৎপাদনকারী সমবায় সমিতি লিঃ প্রতিষ্ঠিত হয়। বর্তমানে ১২২ সদস্যের সমিতিটি বাংলাদেশ দুগ্ধ উৎপাদনকারী সমবায় ইউনিয়ন লিঃ এর সদস্যপদ গ্রহণ করে উৎপাদিত দুধ সিরাজগঞ্জ জেলার বাঘাবাড়ী দুগ্ধ কারখানায় সরবরাহ করছে। গুণগত মান সম্পন্ন দুগ্ধ উৎপাদন বৃদ্ধির লক্ষ্যে সদস্যদেরকে গবাদী পশুর জন্য সুখম ও দানাদার গো-খাদ্য এবং সবুজ ঘাস উৎপাদনের যাবতীয় প্রশিক্ষণের ব্যবস্থা গ্রহণ করে থাকে সমিতি। সমিতির মাধ্যমে সদস্যদের স্বাস্থ্য সম্মত প্রক্রিয়ায় দুগ্ধ দোহন বিষয়েও পরামর্শ ও হাতেকলমে প্রশিক্ষণ প্রদান করা হয়। পুষ্টি চাহিদা পূরণে অবদান রাখায় এ বছর দুগ্ধ সমবায় শ্রেণিতে 'বোয়াইলমারী প্রাথমিক দুগ্ধ উৎপাদনকারী সমবায় সমিতি লিঃ' কে জাতীয় সমবায় পুরস্কার ২০২১ প্রদান করা হল।



শ্রেণি-৪ : মহিলা সমবায়

আগারগাঁও মহিলা সমবায় সমিতি লিঃ

থানা: মোহাম্মদপুর

জেলা: ঢাকা

আগারগাঁও মহিলা সমবায় সমিতি লিঃ একটি সফল মহিলা সমবায় সমিতি। এর কার্যকরী মূলধনের পরিমাণ প্রায় ০৯ (নয়) কোটি ০৬ (ছয়) লক্ষ টাকা। এ সমিতির সদস্য সংখ্যা ২৩৯৮ জন। আগারগাঁও মহিলা আবাসন প্রকল্প, আমস ফ্যাশন গার্মেন্টস, বিভিন্ন টেডে ঋণ বিতরণ, বিভিন্ন কারিগরি প্রশিক্ষণ ব্যবস্থা সমিতির উল্লেখযোগ্য কার্যক্রম। এ সকল প্রকল্প ও কার্যক্রমে নিয়মিত মুনাফা অর্জিত হওয়ায় নতুন কর্মসংস্থান সৃষ্টির পাশাপাশি সমিতির আয় বৃদ্ধি পেয়েছে। কর্মজীবী মহিলা ও শিশুদের নৈশ স্কুল, বয়স্ক শিক্ষা, গর্ভবতী মায়েদের সূচিকিৎসাসহ পুষ্টিকর খাবার, দরিদ্র ছাত্র-ছাত্রীদের উপবৃত্তি, টিকাদান কর্মসূচি, বিনামূল্যে সেলাই ও কম্পিউটার প্রশিক্ষণ, ব্লক-বাটিক, গার্মেন্টস অপারেটর, বিউটি পার্লার প্রশিক্ষণ, সামাজিক সচেতনতা বৃদ্ধিতে মাদকশক্তি নিরাময় ও কিশোরী মেয়েদের স্বাস্থ্য শিক্ষার ব্যবস্থা করার মাধ্যমে সমিতির সদস্যদের পাশাপাশি এলাকার জনসাধারণ উপকৃত হচ্ছে। সদস্যদের জীবনযাত্রার মান উন্নত করার মাধ্যমে পারিবারিক ও সামাজিক মর্যাদা বৃদ্ধিতে গুরুত্বপূর্ণ অবদান রাখার স্বীকৃতিস্বরূপ 'আগারগাঁও মহিলা সমবায় সমিতি লিঃ' কে এ বছর মহিলা সমবায় শ্রেণিতে জাতীয় সমবায় পুরস্কার ২০২১ প্রদান করা হল।




শ্রেণি-৫ : বহুমুখী সমবায়

ঢাকা খ্রীষ্টিয়ান বহুমুখী সমবায় সমিতি লিঃ

থানা: রমনা

জেলা: ঢাকা

ঢাকা খ্রীষ্টিয়ান বহুমুখী সমবায় সমিতি লিঃ একটি আদর্শ এবং অনুসরণীয় সমিতি হিসেবে ১৯৮২ সালে প্রতিষ্ঠিত হয়। বর্তমানে এর সদস্য ১৪,৬০০জন। সমিতির কার্যকরী মূলধনের পরিমাণ প্রায় ৮২ কোটি টাকা। সমিতির নিজস্ব জমির উপর নির্মিত নিজস্ব ৬ তলা অফিস ভবন রয়েছে। 'বহুমুখী' সমিতি হওয়ায় বিভিন্ন প্রকল্প বাস্তবায়ন করে সমিতির মাধ্যমে বিপুল পরিমাণে কর্মসংস্থানের সৃষ্টি করা হয়েছে। সমিতির অফিসে মোট ৩৩ জন কর্মকর্তা ও কর্মচারী নিয়োজিত আছেন। সমিতির সদস্যদের মাঝে সঞ্চয় ও ঋণদান প্রকল্পের মাধ্যমে প্রায় ৩৫০০ জন লোকের প্রত্যক্ষ কর্মসংস্থান সৃষ্টি হয়েছে। সমিতির সদস্যদের আর্থ-সামাজিক উন্নয়নের লক্ষ্যে হাউজিং প্রকল্প, ফ্ল্যাট ঋণ প্রকল্প এবং মর্টগেজ লোন প্রকল্প চলমান আছে। এছাড়াও সদস্যদের কল্যাণার্থে মরণোত্তর প্রকল্প, চিলডেন এডুকেশন স্কিম, বহুমুখী মেয়াদী আমানত স্কিম, বহুমুখী ডিপোজিট স্কিম, লোন প্রোটেকশন স্কিম এবং বহুমুখী কল্যাণ তহবিল সক্রিয় আছে। এ সকল কর্মকাণ্ডের স্বীকৃতিস্বরূপ 'ঢাকা খ্রীষ্টিয়ান বহুমুখী সমবায় সমিতি লিঃ' কে এ বছর বহুমুখী সমবায় শ্রেণিতে জাতীয় সমবায় পুরস্কার ২০২১ প্রদান করা হল।



শ্রেণি-৬ : মৎস্য সমবায়

বাংলাদেশ এক্সপোর্টেবল ফিশ সাপ্লাইয়ার্স কো-অপারেটিভ সোসাইটি লিঃ

থানা: কোতোয়ালী

জেলা: চট্টগ্রাম

বাংলাদেশ এক্সপোর্টেবল ফিশ সাপ্লাইয়ার্স কো-অপারেটিভ সোসাইটি লিঃ ১৯৮৪ সালে প্রতিষ্ঠা লগ্ন থেকে সামুদ্রিক ও মিঠা পানির মৎস্য আহরণ করে স্থানীয় চাহিদা পূরণ করে দেশের বিভিন্ন অঞ্চলের পাশাপাশি বহির্বিদেশে মৎস্য রপ্তানির মাধ্যমে জাতীয় অর্থনীতিতে অবদান রাখছে। সমিতির নামে লীজকৃত মৎস্য বাজারটির বিভিন্ন দোকান সদস্যদেরকে ভাড়া প্রদানের মাধ্যমে সমিতির আয় বৃদ্ধি পেয়েছে। সমিতির বর্তমান সদস্য ৯৭ জন। সমিতির কর্মকর্তা ও কর্মচারী এবং সদস্যগণের কল্যাণে শিক্ষা বৃত্তি, বৃক্ষরোপণ, স্যানিটেশন, স্বাস্থ্য সেবা, অনুদান, ফরমালিনমুক্ত মৎস্য সংরক্ষণ ও বিপণনে জনসচেতনামূলক প্রশিক্ষণ বিষয়ক সেবামূলক উন্নয়ন কার্যক্রম পরিচালনা করছে। প্রত্যক্ষ ও পরোক্ষভাবে মৎস্য বাজারে মৎস্য সংরক্ষণ, বিপণন, আহরণ কাজে দৈনিক প্রায় ৫০০ জন লোকের কর্মসংস্থানের সৃষ্টি হয়েছে। মৎস্য চাষের মাধ্যমে স্থানীয় ও জাতীয় পর্যায়ে আমিষের চাহিদা পূরণ, সদস্য ও এলাকাবাসীর কর্মসংস্থান সৃষ্টি এবং এলাকার সার্বিক উন্নয়নে প্রত্যক্ষ অবদান রাখার স্বীকৃতিস্বরূপ 'বাংলাদেশ এক্সপোর্টেবল ফিশ সাপ্লাইয়ার্স কো-অপারেটিভ সোসাইটি লিঃ' কে এ বছর মৎস্য সমবায় শ্রেণিতে জাতীয় সমবায় পুরস্কার ২০২১ প্রদান করা হল।



শ্রেণি-৭ : মুক্তিযোদ্ধা সমবায়

শার্শা থানা মুক্তিযোদ্ধা মৎস্যজীবী সমবায় সমিতি লিঃ

উপজেলা: শার্শা

জেলা: যশোর

যশোর জেলার শার্শা উপজেলায় ১৯৭৮ সালে প্রতিষ্ঠিত হয় শার্শা থানা মুক্তিযোদ্ধা মৎস্যজীবী সমবায় সমিতি লিঃ। সমিতির বর্তমান সদস্য ২৫০ জন। কার্যকরী মূলধন প্রায় ২৪ লক্ষ ৫২ হাজার টাকা। সদস্যদের আর্থ-সামাজিক উন্নয়নে সমিতি বিভিন্ন প্রকল্প পরিচালনা করছে। এর মধ্যে উল্লেখযোগ্য হল মৎস্য চাষ প্রকল্প। এছাড়াও রয়েছে সঞ্চয় প্রকল্প, শিক্ষা প্রকল্প, সমাজ কল্যাণ প্রকল্প। সমিতি সদস্যদের মধ্যে ঋণ কার্যক্রম পরিচালনা করে থাকে। ক্ষুদ্রঋণ/পণ্য ঋণ/দ্রব্য ঋণ কার্যক্রমের মাধ্যমে সদস্যদের অর্থনৈতিক উন্নয়ন ঘটেছে। সমিতি বিভিন্ন সমাজকল্যাণমূলক কাজ যেমন- কন্যাদায়গ্রস্ত সদস্যদের বিবাহ অনুদান, শিক্ষা অনুদান, চিকিৎসা ব্যয় নির্বাহ এবং প্রাকৃতিক দুর্যোগজনিত অনুদান প্রদান করে। সমিতির সার্বিক কার্যক্রম বিবেচনায় এ বছর মুক্তিযোদ্ধা সমবায় সমিতি শ্রেণিতে ‘শার্শা থানা মুক্তিযোদ্ধা মৎস্যজীবী সমবায় সমিতি লিঃ’ কে জাতীয় সমবায় পুরস্কার ২০২১ প্রদান করা হল।



শ্রেণি-৮ : বিত্তহীন, ভূমিহীন সমবায়

মধ্যমকুড়া সুতানাল দিঘীরপাড় মজাপুকুর ভূমিহীন সমবায় সমিতি লিঃ

উপজেলা: নালিতাবাড়ী

জেলা: শেরপুর

১৯৮৪ সালে শেরপুর জেলার নালিতাবাড়ী উপজেলার মধ্যমকুড়া মহল্লার সুতানাল দিঘীর চারপাশে বসবাসরত ভূমিহীন জনগোষ্ঠীকে নিয়ে প্রতিষ্ঠিত হয় মধ্যমকুড়া সুতানাল দিঘীরপাড় মজাপুকুর ভূমিহীন সমবায় সমিতি লিঃ। কোনরূপ সরকারি ও বেসরকারি প্রতিষ্ঠানের ঋণ সহায়তা ছাড়া ১১৮ জন সদস্য নিয়ে পরিচালিত হচ্ছে সমিতিটি। সমিতির কার্যকরী মূলধনের পরিমাণ প্রায় ০৯ (নয়) লক্ষ টাকা। সমিতিটি দিঘীতে মৎস্য চাষ করে দেশের বিভিন্ন প্রান্তে মাছ সরবরাহ করে মাছের চাহিদা পূরণে সার্বিক সহযোগিতা করে। এছাড়াও জনসংখ্যা নিয়ন্ত্রণ, বাল্য বিবাহ রোধ, যৌতুক প্রথা রোধ প্রভৃতি কার্যক্রমের মাধ্যমে জনগণকে সচেতন করার কাজ অব্যাহত রয়েছে। সমিতির সার্বিক কার্যক্রম বিবেচনায় এ বছর বিত্তহীন, ভূমিহীন সমবায় শ্রেণিতে 'মধ্যমকুড়া সুতানাল দিঘীরপাড় মজাপুকুর ভূমিহীন সমবায় সমিতি লিঃ' কে জাতীয় সমবায় পুরস্কার ২০২১ প্রদান করা হল।



শ্রেণি-৯ : যুব, বিশেষ শ্রেণি, তাঁতীসহ অন্যান্য পেশাভিত্তিক সমবায়

বরিশাল আর্থলক্ষ্মী সমবায় সমিতি লিঃ

উপজেলা: বরিশাল সদর

জেলা: বরিশাল

বরিশাল আর্থলক্ষ্মী সমবায় সমিতি লিঃ বরিশাল সদর উপজেলায় ১৯২৭ সালে প্রতিষ্ঠিত হয়। বর্তমানে সমগ্র বরিশাল সিটি কর্পোরেশন এলাকার মধ্যে সমিতির কার্যক্রম চলমান। সমিতির কার্যকরী মূলধনের পরিমাণ প্রায় ০৭ (সাত) কোটি টাকা এবং সদস্য ৩৬৫ জন। বরিশাল শহরের প্রাণকেন্দ্রে সাড়ে ১০ শতাংশ জমির উপরে সমিতির ০৪ (চার) তলা নিজস্ব ভবন রয়েছে। সদস্যদের বাড়ি নির্মাণসহ বিভিন্ন ব্যবসা প্রতিষ্ঠান গড়ে তোলার লক্ষ্যে সমিতির পক্ষ থেকে সহজ শর্তে ঋণ প্রদান করা হয়ে থাকে। সমিতির সদস্যগণ সমবায় সমিতি থেকে লোন নিয়ে ব্যাটারি চালিত অটোগাড়ি মেরামতের কারখানা, থাই অ্যালুমিনিয়ামের ব্যবসা করে লাভবান হচ্ছে। সমিতির সদস্যদের ব্যবহারের জন্য ন্যায্যমূল্যে জ্বালানি গ্যাস সিলিন্ডার বিক্রয় করা হচ্ছে। এছাড়া সদস্যদের মেধাবী সন্তানদের শিক্ষাবৃত্তি এবং দুস্থদের চিকিৎসার জন্য বিশেষ অনুদান প্রদান করা হয়। সমিতির সার্বিক কার্যক্রম বিবেচনায় এ বছর যুব, বিশেষ শ্রেণি, তাঁতীসহ অন্যান্য পেশাভিত্তিক সমবায় শ্রেণিতে 'বরিশাল আর্থলক্ষ্মী সমবায় সমিতি লিঃ' কে জাতীয় সমবায় পুরস্কার ২০২১ প্রদান করা হল।



শ্রেণি-১০ : কর্মকর্তা/কর্মচারী, পরিবহণ শ্রমিক কর্মচারী সমবায়

পদ্মা অয়েল কোম্পানী লিঃ এমপ্লয়ীজ আরবান কো-অপারেটিভ সোসাইটি লিঃ

থানা: ডবলমুরিং

জেলা: চট্টগ্রাম

১৯৪০ সালে পদ্মা অয়েল কোম্পানী লিঃ এর কর্মকর্তা/কর্মচারীদের আর্থ সামাজিক উন্নয়নের লক্ষ্যে পদ্মা অয়েল কোম্পানী লিঃ এমপ্লয়ীজ আরবান কো-অপারেটিভ সোসাইটি লিঃ প্রতিষ্ঠিত হয়। সমিতির বর্তমান সদস্য ১০৩১ জন। কার্যকরী মূলধনের পরিমাণ প্রায় ৫৬ কোটি টাকা। পরিবহণ খাতে বিনিয়োগ এবং ঋণ বিতরণ করে আয় বৃদ্ধি ও কর্মসংস্থান সৃষ্টি করা সমিতির মূল লক্ষ্য। তাছাড়া মিনারেল ওয়াটার ব্যবসা, হাউজিং প্রকল্পের কাজ প্রক্রিয়াধীন। সমিতি নিজস্ব মূলধন দ্বারা সমিতির কর্মকর্তা ও কর্মচারী এবং সদস্যগণের কল্যাণে শিক্ষা বৃত্তি, বৃক্ষরোপণ, স্যানিটেশন, স্বাস্থ্যসেবা, অনুদান ইত্যাদি সেবামূলক কার্যক্রম পরিচালনা করছে। প্রাকৃতিক দুর্যোগে সমিতি সবসময় সদস্যগণের মধ্যে সহযোগিতার হাত বাড়িয়ে দেয়। সমিতির সার্বিক কার্যক্রম বিবেচনায় এ বছর কর্মকর্তা/কর্মচারী, পরিবহণ শ্রমিক কর্মচারী সমবায় শ্রেণিতে 'পদ্মা অয়েল কোম্পানী লিঃ এমপ্লয়ীজ আরবান কো-অপারেটিভ সোসাইটি লিঃ' কে জাতীয় সমবায় পুরস্কার ২০২১ প্রদান করা হল।



জাতীয় সমবায় পুরস্কার ২০২১ এর শ্রেষ্ঠ সমবায় সমিতি ও সমবায়ী নির্বাচনে মন্ত্রণালয়ে চূড়ান্ত সভা



৫০তম জাতীয় সমবায় দিবস ২০২১

এবং
জাতীয় সমবায় পুরস্কার ২০২০ প্রদান অনুষ্ঠান

প্রধান অতিথি : জনাব মোঃ তাজুল ইসলাম এমপি

মাননীয় মন্ত্রী, স্থানীয় সরকার, পল্লী উন্নয়ন ও সমবায় মন্ত্রণালয়

বিশেষ অতিথি : জনাব স্বপন ভট্টাচার্য্য এমপি

মাননীয় প্রতিমন্ত্রী, স্থানীয় সরকার, পল্লী উন্নয়ন ও সমবায় মন্ত্রণালয়

সভাপতি জনাব মোঃ মশিউর রহমান এনডিসি

পল্লী উন্নয়ন ও সমবায় বিভাগ

১০৬ সার্বভৌমত্বের স্বাধীনতা

১১ কার্যক্রম

১২ দিনের

১৩ বোর্ড

১৪

১৫

১৬

১৭

১৮

১৯

২০

২১

২২

২৩

২৪

২৫

২৬

২৭

২৮

২৯

৩০

৩১

৩২

৩৩

৩৪

৩৫

৩৬

৩৭

৩৮

৩৯

৪০

৪১

৪২

৪৩

৪৪

৪৫

৪৬


৪৭

৪৮

৪৯

৫০

৫০তম জাতীয় সমবায় দিবস ২০২১



সমবায় ভবন
এফ-১০, সিভিক সেক্টর, শেরে-ই-বাংলা নগর, আগারগাঁও, ঢাকা-১২০৭
www.coop.gov.bd